

RESOLUCIÓN reitoral do 8 de maio de 2025 pola que se publica a oferta dos cursos de extensión universitaria da Universidade de Vigo para o ano 2025 no Campus de Vigo

En virtude do disposto nas bases da resolución reitoral do 27 de febreiro de 2025, pola que se publica a convocatoria de axudas para organizar os cursos de extensión universitaria da Universidade de Vigo para o ano 2025 no Campus de Vigo, e das facultades outorgadas pola Lei orgánica 2/2023, de 22 de marzo, do Sistema Universitario, esta reitoría

RESOLVE:

1. Establecer as condicións da matrícula de desenvolvemento dos cursos de extensión da Universidade de Vigo para o ano 2025 no campus de Vigo (Anexo I).
2. Ordenar a publicación da oferta de cursos de extensión derivada do acordo da comisión de extensión universitaria e estudantes do 23 de abril de 2025 pola que se aproban as propostas concedidas (Anexo II).

O lugar de publicación da presente resolución realízase no taboleiro de anuncios electrónico da Universidade de Vigo <https://sede.uvigo.gal/public/bulletin/bulletin-index.xhtml>.

Contra esta resolución, que esgota a vía administrativa, poderase interpor recurso ante a xurisdición contencioso-administrativa, no prazo de dous meses desde o día seguinte ao da súa publicación, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

As persoas interesadas poderán optar por interpor contra esta resolución recurso de reposición, no prazo dun mes desde o día seguinte ao da súa publicación, ante o Reitor. Neste caso non se poderá interpoñer un recurso contencioso-administrativo ata que sexa resolto expresamente ou se producise a desestimación presunta do recurso de reposición interposto, segundo o previsto no artigo 123.2 da Lei 39/2015, do 1 de outubro, do procedemento administrativo común das administracións públicas.

O reitor

Por delegación R.R. do 30/05/2024 (DOG do 10 de xuño)

A vicerreitora de Extensión Universitaria

Susana Reboreda Morillo



OFERTA DOS CURSOS DE EXTENSIÓN UNIVERSITARIA DA UNIVERSIDADE DE VIGO NO ANO 2025 NO CAMPUS DE VIGO**ANEXO I****Condições de matrícula nos cursos de extensión no ano 2025 no campus de Vigo.**

- a) **Inicio período inscrición:** 12 de maio de 2025
- b) **Fin inscrición:** especifícase para cada curso na táboa do Anexo II
- c) **Criterios selección:** por orde de inscrición ata completar o número prazas ofertadas.
- d) **Área de inscrición:** realizarase na plataforma “Campus Activo”:
<https://campusactivo.uvigo.gal/>
O proceso de inscrición implica o pagamento da matrícula, mentres este non se realice a persoa interesada non estará inscrita.
- e) **Número de prazas** por curso: especifícase na táboa do Anexo II.
- f) **Causa de cancelación** dun curso: non acadar o número mínimo de inscricións especificado na táboa do Anexo II (70% do número prazas ofertadas)
- g) **Importe da matrícula** para cada curso será:
Público xeral: o especificado como prezo de matrícula para cada curso no anexo II.
Colectivos A e B da comunidade universitaria: redución do 35% sobre o prezo de matrícula
Colectivo C da comunidade universitaria: redución do 20% sobre o prezo de matrícula

(A pertenza aos colectivos da Universidade de Vigo pode consultarse no seguinte enlace:
<https://secretaria.uvigo.gal/uv/web/normativa/public/show/551>)

- h) **Renuncias con dereito a devolución de prezo:** as persoas matriculadas poden presentar a súa renuncia antes dos 3 días hábiles previos á data de finalización de inscrición.
Para iso a través da plataforma de inscrición “Campus Activo”, haberá que acceder a opción “solicitar devolución taxas” cumprimentando o campo de número de conta bancaria na que se fará efectiva a devolución e indicando no campo “motivación” a causa da renuncia.
- i) **Causas de devolución do prezo** da matrícula dos cursos:
 - 1. Cancelación do curso ou modificación das datas de celebración, horario ou lugar.
 - 2. Ter formalización da matrícula unha vez completado o número de prazas do curso.
 - 3. Comezo dunha relación laboral (acreditada co informe vida laboral).
 - 4. Maternidade/Paternidade (acreditada con certificado médico/certificado filiación).
 - 5. Enfermidade que impida a asistencia ao curso (acreditada con certificado médico).



6. Aboamento dunha cantidade superior ao prezo do curso como consecuencia de erros materiais ou de cálculo non imputables á persoa interesada. Neste caso devolverase a diferenza aboada en exceso.

- j) **Período e proceso de solicitude de devolución do prezo** da matrícula: as solicitudes de devolución consecuencia dos puntos 1 a 6 do epígrafe anterior poderán presentarse dende o día seguinte a que se produza a causa que xustifica a devolución ata 15 días hábiles despois de finalizado o curso en que fixera a inscrición.

Para iso, través da mesma plataforma de inscrición "Campus Activo" haberá que acceder a opción "solicitar devolución de taxas" cumprimentando o campo de número de conta bancaria na que se fará efectiva a devolución e achegando a documentación xustificativa.

A devolución consecuencia de renuncias do parágrafo h) terá os prazos e procedemento indicado nel.

- k) **Diplomas:** a Universidade de Vigo expedirá un diploma oficial acreditativo da asistencia de cada participante que seguise polo menos un 85% das horas totais do curso.
- l) **Recoñecemento créditos ECTS:** o estudantado da Universidade de Vigo poderá validar a realización dos cursos por créditos ECTS dentro da categoría de actividades universitarias culturais. O recoñecemento farase a razón de 1 crédito ECTS por cada 30 horas.



Código seguro de Verificación : GEN-a0cc-de2f-4eeb-cba8-ff80-ae21-491e-7321 | Puede verificar la integridad de este documento en la siguiente dirección : https://portalfirmas.redsara.es/pf/valida

ANEXO II

Información dos cursos de extensión no ano 2025 no campus de Vigo.

Nome e apelidos	Título do curso	Duración total do curso	Prezo de matrícula completa	Prazas ofertadas	Nº mínimo inscricións	Lugar de celebración	Datas de celebración	Data fin de inscrición
Alberto Abal Silva	Iniciación á arte 3D	35 horas	40 €	20	14	Escola de Enxañaría Industrial	Do 2 setembro ao 16 de outubro	24 de xullo
Inmaculada C. Báez Montero	Lendo con mirada feminista: unha aproximación á crítica e teoría literaria feminista	30 horas	80 €	30	21	Edificio Redeiras (Aula 2)	Do 1 de xullo ao 7 de outubro	20 de xuño
María Sol Bravo Amaro	Enfrontarse ás urxencias cardiovasculares dende o ámbito clínico e tecnolóxico	30 horas	60 €	30	21	Hospital Álvaro Cunqueiro de Vigo (Aula 5 de docencia)	Do 1 ao 10 de setembro	24 de xullo
Guillermo Calvo Hermo	Fai o teu propio satélite	30 horas	35 €	30	21	Escola de Enxeñaría de Telecomunicación (Aulas T10X e LD01)	Do 1 ao 5 de setembro	24 de xullo
Luis Fernández Couñago	Git e GitHub: Control de Versións e Colaboración en Desenvolvemento de Software	30 horas	30 €	20	14	Escola de Enxeñaría de Telecomunicación (Aula T215)	Do 17 setembro ao 16 outubro	9 de setembro



CSV : GEN-a0cc-de2f-4eeb-cba8-ff80-ae21-491e-7321

DIRECCIÓN DE VALIDACIÓN : <https://portalfirmas.redsara.es/pf/valida>

FIRMANTE(1) : SUSANA MARIA REBOREDA MORILLO | FECHA : 08/05/2025 13:10 | NOTAS : F

Código seguro de Verificación : GEN-a0cc-de2f-4eeb-cba8-ff80-ae21-491e-7321 | Puede verificar la integridad de este documento en la siguiente dirección : https://portafirmas.redsara.es/pf/valida

Nome e apelidos	Título do curso	Duración total do curso	Prezo de matrícula completa	Prazas ofertadas	Nº mínimo inscricións	Lugar de celebración	Datas de celebración	Data fin de inscrición
Josefa Garrido González	Patrimonio natural e cultural do Bierzo (XIII): cara ó futuro coa (con)ciencia	30 horas	55 € *	60	42	Villafranca del Bierzo (León)	Do 4 ao 6 de xullo	20 de xuño
Iria Vázquez López	Laboratorio dos sentidos II	32 horas	50 €	20	14	Edificio Redeiras (Aula 1 e Sala de exposicións)	Do 24 de xuño ao 3 de xullo	11 de xuño

(*) Membros da Asociación cultural Burval e alumnado da Universidade de León: redución do 35% sobre o prezo da matrícula, unicamente para o curso “Patrimonio natural e cultural do Bierzo (XIII): cara ó futuro coa (con)ciencia”.



CSV : GEN-a0cc-de2f-4eeb-cba8-ff80-ae21-491e-7321

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : SUSANA MARIA REBOREDA MORILLO | FECHA : 08/05/2025 13:10 | NOTAS : F